

2. CYRTOCHILUM FLEXUOSUM. †

C. foliolis calycinis undulatis, reflexis; exterioribus spathulatis; interioribus obovatis.

Crescit in radicibus altissimi montis, Paramo de las Achupallas, inter urbem Almaguer et pagum La Cruz, alt. 1580 hex. ☿ Floret Octobri.

PLANTA parasitica. BULBUS oblongus, subtripollicaris. FOLIA lanceolato-oblonga, acuminata, basi valde angustata, vaginantia, plana, coriacea, striata, undecim- aut tredecimnervia, nervis subtus prominentibus, glabra, pedalia et longiora, duos pollices lata. VAGINÆ profunde sulcatæ. SCAPUS plurum pedum altitudine, ramosissimus; ramis triangularibus, patentissimis aut reflexis et retroflexis, glabris, fuscis. SPATHELLÆ ovatæ, acutæ, membranaceæ, glabræ. FLORES longe pedicellati. CALYX reflexus, exsiccatus fuscus, glaber; foliola tria exteriora spathulata, undulata; lateralialia superiore obtuso paullo longiora, acuta; duo interiora lateralialia obovata, obtusa, basi angustata, margine undulata, exterioribus breviora; labellum ovatum, acutum, convexum, reflexum, basi tuberculato-cristatum, gynostemo paullo adnatum, foliolis exterioribus triplo brevius. OVARIUM costatum, glabrum. GYNOSTEMUM erectum, breve, margine alatum. ANTHERA terminalis; ejus structura non satis nota.